



## PRIJEDLOG

Na osnovu člana 13. Stav 2. alineja 5, Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06 i 51/09), i člana 86. Statuta Općine Ilidža ("Službene novine Kantona Sarajevo" broj 33/10, 18/16 – prečišćeni tekst), Općinsko vijeće Ilidža na \_\_\_\_\_redovnoj sjednici održanoj \_\_\_\_\_godine, donijelo je

## ODLUKA

### O USTUPANJU SPORTSKE DVORANE U HRASNICI NA KORIŠTENJE JAVNOJ USTANOVI "KULTURNO-SPORTSKI I REKREACIONI CENTAR" ILIDŽA

#### Član 1.

(Predmet odluke)

Ovom odlukom Općina Ilidža ustupa Sportsku dvoranu u Hrasnici zajedno sa pripadajućim zemljištem na kojem je ista izgrađena na korištenje Javnoj ustanovi "Kulturno-sportski i rekreacioni centar" Ilidža na period od 10 godina za obavljanje djelatnosti korisnika upisanih u sudski registar u obimu i na način potreban za poslovanje.

#### Član 2.

(Sjedište)

Sportska dvorana iz člana 1 ove Odluke nalazi se na adresi Šehitluci br. 54, Hrasnica (k.č. broj 2178/2 K.O. Hrasnica – katastarski podaci, što odgovara gruntnim podacima k.č. broj 191/1 i 278/2 K.O. Hrasnica), površine 5.984 m<sup>2</sup> i to zgrada fizičke kulture i rekreacije 2219 m<sup>2</sup> i dvorište 3765 m<sup>2</sup>, a koji je u vlasništvu Općine Ilidža.

#### Član 3.

(Ugovor o međusobnim pravima i obavezama)

Na osnovu ove Odluke, općinski načelnik i Javna ustanova "Kulturno-sportski i rekreacioni centar" Ilidža zaključit će ugovor o korištenju objekta iz člana 1. ove Odluke kojim će biti regulisana međusobna prava i obaveze, za objekat koji se dodjeljuje na korištenje.

#### Član 4.

Služba za imovinsko-pravne,, geodetske poslove, katastar nekretnina i upravljanje imovinom obavezna je da sačini ugovor iz člana (3) ove Odluke, nakon stupanja na snagu ove Odluke.

#### Član 5.

Odluka će se objaviti u Službenim novinama Kantona Sarajevoi i stupa na snagu 8 (osam) dana od dana objavljivanja u Službenim novinama Kantona Sarajevo.

### **OBRAZLOŽENJE ODLUKE O USTUPANJU PRAVA KORIŠTENJA JAVNOJ USTANOVI “KULTURNO-SPORTSKI I REKREACIONI CENTAR ILIDŽA”**

Prijedlog Odluke o ustupanju Sportske dvorane u Hrasnici na korištenje Javnoj ustanovi “Kulturno-sportski i rekreacioni centar” Ilidža.

#### **I. PRAVNI OSNOV**

Pravni osnov za donošenje Odluke o ustupanju Sportske dvorane u Hrasnici na korištenje Javnoj ustanovi “Kulturno-sportski i rekreacioni centar” Ilidža jeste član 13. stav 2, alineja 5 Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine”, broj 49/06 i 51/09) kojim se pokreće postupak izrade Odluke o ustupanju prava korištenja Javnoj ustanovi “Kulturno-sportski i rekreacioni centar” Ilidža. Navedenim članom utvrđuje se nadležnost Općinskog vijeća Ilidža za donošenje predmetne odluke.

#### **II. OSNOVNA PITANJA KOJA SE UTVRĐUJU ODLUKOM**

Odlukom se utvrđuje ustupanje Sportske dvorane u Hrasnici Javnoj ustanovi “Kulturno-sportski i rekreacioni centar” Ilidža za obavljanje poslovnih djelatnosti upisanih u sudski registar, te obaveza nadležne Službe za imovinsko-pravne, geodetske poslove, katastar nekretnina i upravljanje imovinom da sačini ugovor kojim će biti regulisana prava i obaveze između općine Ilidža i Javne ustanove “Kulturno-sportski i rekreacioni centar” Ilidža.

### III. RAZLOZI ZA DONOŠENJE ODLUKE O USTUPANJU JAVNOJ USTANOVI “KULTURNO-SPORTSKI I REKREACIONI CENTAR ILIDŽA”

Ustupanjem objekta Sportske dvorane u Hrasnici Javnoj ustanovi “Kulturno-sportski i rekreacioni centar Ilidža” koja je od posebnog društvenog interesa a čiji osnivač je općina Ilidža, teži se ka omogućavanju uspostavljanja dodatnih kapaciteta za održavanje kulturnih manifestacija i značajnijih događaja. Dosadašnje programske aktivnosti Javne ustanove “Kulturno-sportskog i rekreacionog centra” Ilidža imaju značajan uticaj na uspostavljanje rekreacionih i kulturno-sportskih oblasti za najmlađe članove naše društvene zajednice, ne izostavljajući ni interesovanja zrelijih pripadnika zajednice.

Dodjelom na korištenje i upravljanje sportske dvorane Javnoj ustanovi “Kulturno-sportski i rekreacioni centar” Ilidža teži se ka omogućavanju uspostavljanja dodatnih kapaciteta za održavanje sportskih i rekreativnih aktivnosti kao i značajnijih događaja. Dosadašnje programske aktivnosti su imale značajan uticaj na uspostavljanje rekreacionih i kulturno-sportskih oblasti za najmlađe članove naše društvene zajednice, pružajući im priliku za zdrav odgoj, sportsku edukaciju i razvoj.

Na nacrt ove Odluke Pravobranilaštvo Općine Ilidža je dalo Mišljenje broj: M-66/26 od 17.07.2026.godine



Broj: M-66/26

Ilidža, 17.07.2026. godine

**OPĆINA ILIDŽA**

- **Služba za imovinsko-pravne, geodetske poslove,  
katastar nekretnina i upravljanje imovinom**

**Predmet: Mišljenje na nacrt Odluke o ustupanju Sportske dvorane u Hrasnici**

**Veza: Vaš akt broj: 04-19-6146/26 MK od 16.07.2026.godine**

Aktom broj: 04-19-6146/26 MK od 16.07.2026.godine dostavili ste Pravobranilaštvu Općine Ilidža na mišljenje nacrt Odluke o ustupanju Sportske dvorane u Hrasnici na korištenje Javnoj ustanovi „Kulturno-sportski i rekreacioni centar Ilidža“.

Nakon analize nacrta Odluke i dostavljene dokumentacije Pravobranilaštvo daje sljedeće :

***M i š l j e n j e***

Nacrt Odluke o ustupanju Sportske dvorane u Hrasnici na korištenje Javnoj ustanovi „Kulturno-sportski i rekreacioni centar Ilidža“ je u skladu sa odredbama člana 8. i 35. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09) i članom 28. Statuta Općine Ilidža („Službene novine Kantona Sarajevo“, broj 33/10 - Prečišćeni tekst i 18/16).

**Pravobranilaštvo Općine Ilidža**  
**ulica Butmirska cesta broj 12.**  
**telefon: (387 33) 775-738, (387 33) 775-739, fax: 764-840,**  
**E-mail: pravobranilastvoili@gmail.com**